

**LAPORAN JURUAUDIT BEBAS
KEPADA AHLI-AHLI HONG LEONG BANK BERHAD
(NO. PENDAFTARAN: 193401000023 (97141-X) (SAMBUNGAN))**

Perkara-perkara utama audit

Perkara-perkara utama audit, menurut pertimbangan profesional kami, adalah perkara-perkara yang paling penting dalam pengauditan penyata kewangan Kumpulan dan Bank bagi tahun semasa. Perkara-perkara ini telah ditangani dalam konteks pengauditan penyata kewangan Kumpulan dan Bank secara keseluruhan, dan dalam membentuk pendapat kami selanjutnya, dan kami tidak memberikan pendapat berasingan berhubung perkara-perkara ini.

Perkara utama audit	Bagaimana perkara utama audit ditangani dalam pengauditan kami
<p><u>Kemerosotan nilai pinjaman, pendahuluan dan pembiayaan</u></p> <p>Rujuk kepada Nota 2N ringkasan polisi perakaunan penting, dan Nota-nota 8, 37 dan 57 penyata kewangan.</p> <p>Kami memberi tumpuan kepada bidang ini disebabkan oleh saiz nilai dibawa bagi pinjaman, pendahuluan dan pembiayaan yang mewakili masing-masing 65.5% dan 64.0% daripada jumlah aset Kumpulan dan Bank.</p> <p>Model kemerosotan nilai kerugian ("ECL") di bawah "Instrumen Kewangan" MFRS 9 memerlukan penggunaan model kompleks dan andaian yang ketara mengenai keadaan ekonomi masa hadapan dan tingkah laku kredit.</p> <p>Ini merupakan bidang fokus kerana melibatkan pertimbangan ketara yang dibuat dalam penggunaan keperluan perakaunan bagi mengukur ECL seperti berikut:</p> <ul style="list-style-type: none"> Membina dan memilih model penilaian kolektif yang sesuai untuk mengira ECL. Model-model tersebut adalah rumit dan pertimbangan digunakan dalam menentukan model pembentukan yang sesuai; Pengenalpastian pinjaman, pendahuluan dan pembiayaan yang telah mengalami peningkatan ketara dalam risiko kredit; dan Andaian yang digunakan dalam model ECL seperti aliran tunai masa hadapan dijangkakan, faktor makroekonomi masa depan, kebarangkalian berlawanan beberapa senario dan pelarasan tindihan model dibuat, dengan mengabilkira ketidakpastian ekonomi yang timbul daripada COVID-19 yang mungkin memberi kesan kepada ECL masa depan. 	<p>Kami telah memahami dan menguji keberkesanan pembentukan dan operasi kawalan berkaitan dengan:</p> <ul style="list-style-type: none"> Pengenalpastian pinjaman, pendahuluan dan pembiayaan yang menunjukkan petunjuk rosot nilai atau pinjaman, pendahuluan dan pembiayaan yang mengalami peningkatan risiko kredit yang ketara atau bukti objektif rosot nilai dan pengiraan kerugian rosot nilai; Tadbir urus ke atas pembangunan model ECL dan penghalusan model termasuk kelulusan model, pengesahan model, pemantauan model dan pertindihan; Data yang digunakan untuk menentukan peruntukan kerugian kredit termasuk keseluruhan dan ketepatan input dan andaian utama ke dalam model-model ECL masing-masing; dan Pengiraan, kaji semula dan meluluskan pengiraan ECL. <p><u>Penilaian individu</u></p> <p>Di mana pinjaman, pendahuluan dan pembiayaan dinilai secara individu, kami melaksanakan prosedur-prosedur berikut:</p> <ul style="list-style-type: none"> Menguji sampel pinjaman, pendahuluan dan pembiayaan yang tertumpu kepada pinjaman, pendahuluan dan pembiayaan yang dikenal pasti oleh Kumpulan dan Bank memandangkan kualiti kredit yang lebih rendah, peminjam dalam industri-industri berisiko tinggi terjejas oleh COVID-19, peminjam yang memohon bantuan pelbagai pembayaran disebabkan oleh COVID-19 dan peminjam yang terjejas oleh perkembangan dan berita keadaan pasaran yang buruk baru-baru ini, termasuk konflik Rusia-Ukraine dan membentuk pertimbangan sendiri sama ada terdapat peningkatan risiko kredit yang ketara atau sebarang bukti rosot nilai yang objektif; dan Sekiranya bukti objektif dikenal pasti dan kerugian rosot nilai dikira secara individu, kami menilai kecukupan kerugian rosot nilai dengan menguji kedua-dua kuantum dan pemaasan aliran tunai masa depan yang digunakan oleh Kumpulan dan Bank dalam pengiraan kerugian rosot nilai, mencabar andaian dan membandingkan anggaran terhadap bukti luaran yang sedia ada. Kami juga menjalankan semula pengiraan aliran tunai terdiskaun. <p><u>Penilaian kolektif</u></p> <p>Untuk menentukan kesesuaian model penilaian kolektif ECL MFRS 9 yang dilaksanakan oleh Kumpulan dan Bank, kami telah:</p> <ul style="list-style-type: none"> Menilai metodologi dan andaian untuk membuat model ketara yang terdapat dalam model penilaian kolektif ECL yang digunakan terhadap keperluan MFRS 9, termasuk asas yang digunakan oleh Kumpulan dan Bank untuk menentukan andaian utama yang digunakan dalam model ECL masing-masing;

Perkara utama audit	Bagaimana perkara utama audit ditangani dalam pengauditan kami
	<p><u>Penilaian kolektif</u> (sambungan)</p> <ul style="list-style-type: none"> Menilai dan mempertimbangkan kemunasabahan ramalan andaian masa hadapan dengan mengambil kira ketidakpastian ekonomi yang timbul daripada COVID-19; Menilai dan menguji pengenalan dan pengiraan pelarasan bertindih kepada ECL disebabkan oleh kesan COVID-19; Menguji ketepatan input data yang digunakan dalam model ECL dan memeriksa pengiraan ECL berasaskan sampel; dan Melibatkan pakar yang membuat model risiko kewangan dan pakar IT dalam bidang seperti mengkaji semula kesesuaian model ECL dan kebolehppercayaan data. <p>Berdasarkan prosedur yang dilaksanakan, kami tidak menemui sebarang pengecualian ketara kepada penilaian terhadap rosot nilai pinjaman, pendahuluan dan pembiayaan Kumpulan dan Bank.</p>

Maklumat selain daripada penyata kewangan dan laporan juruaudit

Para Pengarah Bank bertanggungjawab terhadap maklumat yang lain. Maklumat yang lain mengandungi laporan tahunan Kumpulan dan Bank dan tidak termasuk penyata kewangan bagi Kumpulan dan Bank dan laporan juruaudit.

Pendapat kami mengenai penyata kewangan Kumpulan dan Bank tidak meliputi maklumat yang lain dan kami tidak menyatakan sebarang bentuk jaminan ke atas kesimpulannya.

Sehubungan dengan pengauditan kami ke atas penyata kewangan Kumpulan dan Bank, tanggungjawab kami adalah untuk membaca maklumat yang lain dan, dengan berbuat sedemikian, mempertimbangkan sama ada maklumat yang lain itu tidak selaras secara ketara dengan penyata kewangan Kumpulan dan Bank atau pengetahuan yang kami peroleh daripada audit, atau sebaliknya ianya muncul sebagai salah nyata yang ketara.

Sekiranya, berdasarkan kerja yang kami laksanakan di mana kami membuat kesimpulan bahawa terdapat salah nyata yang ketara bagi maklumat lain tersebut, kami dikehendaki melaporkan fakta tersebut. Sehubungan ini, kami tidak mempunyai sebarang laporan.

Tanggungjawab para Pengarah terhadap penyata kewangan

Para Pengarah Bank bertanggungjawab untuk menyediakan penyata kewangan Kumpulan dan Bank agar memberikan gambaran yang benar dan saksama menurut Piawaian Laporan Kewangan Malaysia, Piawaian Laporan Kewangan Antarabangsa dan keperluan Akta Syarikat 2016 di Malaysia. Para Pengarah juga bertanggungjawab terhadap kawalan dalaman tertentu yang dianggap perlu untuk membolehkan penyediaan penyata kewangan Kumpulan dan Bank yang bebas daripada salah nyata yang ketara, sama ada disebabkan oleh penipuan atau kesilapan.

Dalam menyediakan penyata kewangan Kumpulan dan Bank, para Pengarah bertanggungjawab untuk menilai keupayaan Kumpulan dan Bank untuk beroperasi secara berterusan, mendedahkan, kalau berkenaan, perkara-perkara yang berkaitan dengan usaha berterusan dan menggunakan dasar perakaunan usaha berterusan, melainkan para Pengarah berhasrat untuk membubarkan Kumpulan dan Bank atau menamatkan operasi, atau tidak mempunyai alternatif yang realistik selain daripada berbuat demikian.

Tanggungjawab juruaudit untuk mengaudit penyata kewangan

Matlamat kami adalah untuk memperoleh jaminan yang wajar terhadap penyata kewangan Kumpulan dan Bank secara keseluruhan adalah bebas dari salah nyata yang ketara, sama ada disebabkan oleh penipuan atau kesilapan, dan membentangkan laporan juruaudit yang mengandungi pendapat kami. Jaminan yang wajar merupakan satu jaminan peringkat tinggi, namun bukan jaminan bahawa audit yang dilaksanakan selaras dengan piawaian audit yang diluluskan di Malaysia dan Piawaian Audit Antarabangsa akan sentiasa mengesan salah nyata yang wujud. Salah nyata boleh timbul daripada penipuan atau kesilapan dan dianggap ketara sekiranya, secara individu atau agregat, ianya secara wajar dijangka boleh mempengaruhi keputusan ekonomi yang diambil oleh para pengguna laporan kewangan berdasarkan penyata kewangan ini.

Sebagai sebahagian audit yang menurut piawaian audit yang diluluskan di Malaysia dan Piawaian Audit Antarabangsa, kami menggunakan pertimbangan profesional dan mengekalkan keraguan profesional sepanjang audit. Kami juga:

- (a) Mengenalpasti dan menilai risiko salah nyata yang ketara di dalam penyata kewangan Kumpulan dan Bank, sama ada disebabkan oleh penipuan atau kesilapan, merangka dan melaksanakan langkah-langkah audit untuk menghadapi risiko tersebut, dan mendapatkan bukti audit yang mencukupi dan berpatutan sebagai asas kepada pendapat kami. Risiko tidak dapat mengesan salah nyata yang ketara disebabkan oleh penipuan adalah lebih tinggi berbanding dengan yang disebabkan kesilapan, kerana penipuan boleh melibatkan pakatan, pemalsuan, pengecualian bertujuan, kekeliruan, atau pelangkauan kawalan dalaman.

Tanggungjawab juruaudit untuk mengaudit penyata kewangan (sambungan)

- (b) Mendapatkan pemahaman terhadap kawalan dalaman yang berkaitan dengan audit untuk merangka langkah-langkah audit yang berpatutan mengikut keadaan, tetapi bukan dengan tujuan untuk memberi pendapat mengenai keberkesanan kawalan dalaman Kumpulan dan Bank.
- (c) Menilai kesesuaian polisi perakaunan yang digunakan dan kemunasabahan anggaran perakaunan dan pendedahan berkaitan yang telah dibuat oleh para Pengarah.
- (d) Membuat kesimpulan mengenai kesesuaian penggunaan asas perakaunan usaha berterusan oleh para Pengarah, dan berdasarkan bukti audit yang telah diperolehi, sama ada ketidakpastian yang ketara berkaitan dengan peristiwa atau keadaan yang mungkin menimbulkan keraguan yang ketara terhadap keupayaan Kumpulan dan Bank untuk meneruskan operasi secara berterusan wujud. Sekiranya kami membuat kesimpulan bahawa ketidakpastian yang ketara wujud, kami dikehendaki untuk menyerlahkan pendedahan yang berkaitan di dalam penyata kewangan Kumpulan dan Bank, atau sekiranya pendedahan tersebut tidak mencukupi, mengubah suai pendapat kami di dalam laporan juruaudit. Kesimpulan kami adalah berdasarkan bukti audit yang diperolehi sehingga tarikh laporan juruaudit kami. Walau bagaimanapun, peristiwa atau keadaan masa hadapan mungkin menyebabkan Kumpulan atau Bank menamatkan operasi secara usaha berterusan.
- (e) Menilai prestasi keseluruhan pembentangan, struktur dan kandungan penyata kewangan Kumpulan dan Bank, termasuk pendedahan, dan sama ada penyata kewangan Kumpulan dan Bank mewakili urusan niaga dasar dan peristiwa-peristiwa yang membolehkan pembentangan yang saksama.
- (f) Memperoleh bukti audit yang mencukupi berkaitan dengan maklumat kewangan oleh entiti atau aktiviti perniagaan di antara Kumpulan untuk menyatakan pendapat terhadap penyata kewangan Kumpulan. Kami bertanggungjawab bagi arah tuju, penyeliaan dan prestasi pengauditan. Kami bertanggungjawab sepenuhnya terhadap pendapat audit kami.

Kami berkomunikasi dengan para Pengarah, antara yang lain, mengenai skop yang dirancang dan tempoh audit dan penemuan audit penting, termasuk kelemahan yang ketara dalam kawalan dalaman yang telah dikenalpasti semasa pengauditan kami.

Kami juga menyediakan kenyataan kepada para Pengarah bahawa kami telah mematuhi keperluan etika yang berkaitan dengan kebebasan, dan berkomunikasi dengan mereka mengenai kesemua hubungan dan perkara-perkara lain yang dengan munasabahnya boleh dianggap berhubung dengan kebebasan kami, dan di mana berkenaan, tindakan yang telah diambil untuk menghapuskan ancaman atau perlindungan yang telah disediakan.

Daripada perkara-perkara yang telah dikomunikasikan dengan para Pengarah, kami menentukan perkara-perkara yang dianggap paling penting dalam pengauditan penyata kewangan Kumpulan dan Bank bagi tahun semasa dan maka itu perkara utama audit. Kami telah menghuraikan perkara-perkara ini dalam laporan juruaudit kami kecuali jika undang-undang atau peraturan menghalang pendedahan umum mengenai sesuatu perkara atau apabila, dalam keadaan yang jarang berlaku, kami menentukan bahawa sesuatu perkara itu tidak perlu dilaporkan dalam laporan kami kerana kesan buruk daripada perbuatan sedemikian dengan munasabahnya dijangka lebih ketara daripada manfaat kepentingan awam.

Laporan Mengenai Keperluan Perundangan dan Kawal Selia Yang Lain

Menurut keperluan dalam Akta Syarikat 2016 di Malaysia, kami melaporkan semua syarikat subsidiari yang kami tidak audit, sepertimana yang dinyatakan dalam Nota 13 penyata kewangan.

Perkara-perkara Lain

Laporan ini disediakan khas untuk ahli-ahli Bank, sebagai satu badan, selaras dengan Seksyen 266 Akta Syarikat 2016 di Malaysia dan bukan untuk tujuan lain. Kami tidak bertanggungjawab terhadap mana-mana pihak lain mengenai kandungan laporan ini.

Selain daripada nota-nota penyata kewangan yang tidak diterbitkan dalam surat khabar, penyata kewangan yang dilaporkan di sini adalah serupa dengan semua aspek yang ketara yang telah kami laporkan.

Justeru itu, untuk mendapat pemahaman yang lebih wajar tentang kedudukan kewangan Kumpulan dan Bank pada 30 Jun 2022 dan prestasi kewangan dan aliran tunai bagi tahun kewangan berakhir pada tarikh tersebut, rujukan harus dibuat kepada penyata kewangan berkanun Hong Leong Bank Berhad bagi tahun kewangan berakhir 30 Jun 2022, di mana konteks laporan kami telah dibuat pada 20 September 2022.

PRICEWATERHOUSECOOPERS PLT
LLP0014401-LCA & AF 1146
Akauntan-akauntan Bertauliah

LEE TZE WOON KELVIN
03482/01/2024 J
Akauntan Bertauliah

Kuala Lumpur
20 September 2022